

# STANISLAUS KOSTKA DRAMA SACRUM.

AUTHORE  
P. JOANNE LUCCARO  
SOCIET. JESU.

*Biblioteca del Principe Gabrielli.  
Roma. 1804.*




*per Li. Gaspare Neri*

ROMÆ, MDCCIX.

Ex Officina Cajetani Zenobii Typographi, &  
Sculptoris Sanctiss. D. N. CLEMENTIS XI.  
propè Sanctum IGNATIUM.

---

SUPERIORUM FACULTATE.



CLARISSIMIS,  
NOBILISSIMISQUE  
COLLEGII PTOLÆMEI  
ADOLESCENTIBUS,

D. C. S. J.  
FELICITATEM.



*Um primùm divelli à  
Vobis, Adolescentes  
ornatissimi, eamque*

*quam, & colitis, & ornatis inclytam Nomi-  
ne, atque Ingeniis Urbem linguere, valetu-  
dinis causâ debui; eâ altè Animo meo cogita-  
tio inbasit, ut si quid uspiam occurreret, un-  
de extare aliqua obsequii erga Vos mei signi-  
ficatio posset, non arriperem modo, verum eti-*



am & amplecterer, & exoscularer. Quid enim jucundius mihi, aut optatius accideret, qua si munusculo aliquo gratiam à Vobis inirem, quos non *Hetruria* solum elegantiarum Parens optima, sed uniuersa quodammodo colit Italia, suspicitque. Hæc autem cum ego mecum agitarem, operamque ad id à Familiaribus meis, & consilium poscerem, oblatum mihi forte fuit hoc Drama, quod vobis nuncupo, atque è re fore insinuatam, si vestris illud auspiciis, meaque operâ prodiret in lucem. Duo quippe erant, quæ commendare vobis donum, meumque in vos vestraque omnia studium apprime possent; alterum nimirum Dramatis argumentum; alterum Author. Nam ad primum quod attinet, quid denique nobilissimis, pietatisque studiosissimis Adolescentibus offerri opportunius posset, quam clarissimus quidem genere, sed longe pietate, moribusque clarior Adolefcens STANISLAUS KOSTKA? in cuius nimirum singulari Modestia, generositate, constantia, vestros ipsi mores, vestras vivendi, agendique rationes dignoscere possetis, tutèque diligere: Nam cum cætera, quæ in vos impense natura cõgefset nominum vestrorum decora, cum aliis etiam communia habeatis: ea tamen quæ in vos ab optimo Vitæ cultu, pietatisque studio promanant, vobis profectò unis debetis, quamobrem

vestrum non esse non potest quidquid illustre  
est, & cum pietate conjunctum. Jam verò,  
quod ad alterum pertinet, is Dramatis hujus  
est Author, qui cum nomine se suo tueatur  
ac vindicet, vobis quidem certè probabitur;  
quibus probari optima solèt. Quis enim P. Jo-  
annem Luccari Societatis nostræ Virum omni  
bonarum artium cultu perpolitum, diùque in  
hoc Collegii Romani Athæneo Rethoricæ  
facultatis Præceptorem optimum de nomine  
saltem non noverit? Enim verò, si quisquam  
alius, tantam ipse est apud optimum quemque  
politioris præsertim litteraturæ famam, opi-  
nionemque assecutus, ut literariæ Reipubli-  
cæ interesse plurimum sapiens quilibet judi-  
caverit si aliquid ab illo exaratum typis com-  
mitteretur. At quod nunc oculis creditur,  
etsi leve robustioris ingenii rudimentum est  
(vix enim trigessimum ætatis annum Author  
impleverat cum hoc Drama conscripsit) ba-  
bet tamen, quibus Atticis probetur, & pla-  
ceat auribus, Veneres non exiguas. Quæ qui-  
dem omnia, cum præsertim accederet homi-  
num eruditissimorum suffragium, permove-  
runt me ut ab optimo sene quocum ego versari  
sæpe soleo, Drama hoc, quod vobis inscribe-  
rem, non poscerem modo, verùm etiam efflagi-  
tarem; & quamvis (quæ est ipsius modestia  
singularis) id ipse, semel, iterum, tertio re-

fugerit ; indulſit denique precibus hoc meis ;  
& quotidiano, quod Quintilianus agebat, con-  
vicio ceſſit .

Vos ergo leſtiſſimi Juvenes, excipite eà qua  
ſoletis benevolentia , atque humanitate obſe-  
quii erga vos mei monumentum hoc quale-  
cumque , atque in ipſo , & Animum in vos  
meum, & alacre Auctoris ingenium, & pictos  
affabrè Stanislai mores Sanctiſſimos, & , quod  
caput eſt , veſtram in Stanislaum pietatem, in  
Autharem , opinionem, in me comitatem pro-  
bate . Valete .

Romæ ex Collegio Romano Kalendis  
Februarii 1709.



22

*DRAMATIS ARGUMENTUM.*

**S**TANISLAUS è clarissima KOSTKÆ in Polonia stirpe ortus, ab ipsa Infantiâ pietati addictus, pietati crevit. Certus Deiparæ ope, & suasu, Societati Jesu nomen dare, dum oportunitatem implendi consilii quærit, Viennam, in celeberrimam Austriæ Urbem cum Paulo Germano suo, studiorum gratiâ à Parente missus est, & ab eodem Paulo, qui Stanislai moribus nullâ tunc quidem ex parte consentiebat, divertere apud Lutherianum Hospitem est coactus. Nihil inde tamen periculi ipsius pietati creatum; nam & hospitium bonis cæteroqui moribus inauspicatum, Stanislai gloriæ serviit, & Hospes qui inficere illum Lutheriana lue, & prodromâ luis voluptate omni ope tentaverat, robusta ejusdem modestiâ, castimoniâ, constantiâ victus, in Orthodoxorum castra cum Filiis suis, abdicato molli Vitæ cultu, migravit. Paulus verò Fratris, cùm præclaris facinoribus, tùm eximiâ in primis tolerantia permotus, meliorem ad frugem recepit se. Stanislaus denique qui tanta gessit bella, dum bellum parat, clam fugâ Romam versus Cœlicolum auspicio molitus, voti compos est factus initâ Jesu Societate. Hinc Dramatis argumentum habes; quam verò apte argumento Drama respondeat judicium penes te esto.

RAINERIUS  
CARSUGHIUS

SOCIETATIS JESU

In Provinciâ Romanâ PRÆPOSITUS  
Provincialis.

**C**um Drama, cui titulus: STANISLA-  
US KOSTKA, à P. Joanne Lucca-  
ro nostræ Societatis Sacerdote conscripti,  
*aliquot ejusdem Societatis Theologi recogno-  
verint, & in lucem edi posse, probaverint,  
potestate nobis à R. P. Nostro Michaelæ  
Angelo Tamburini Præposito Generali, ad  
id traditâ, facultatem concedimus, ut typis  
mandetur, si ita iis, ad quos pertinet, vide-  
bitur. Cujus rei gratiâ, has literas, manu  
nostra subscriptas, & sigillo nostro munitas  
dedimus.*

Romæ die 26. Januarii 1709.

Rainerius Carsughius.

Impri-



*Imprimatur,*


Si videbitur Reverendissimo Patri Magist.  
Sac. Palat. Apost.

*Dominicus de Zaulis Episc. Verulanus  
Vicesger.*



**E**X commissione Reverendissimi Patris  
Paulini Bernardinii Sac. Palatii Apo-  
stolici Magistri vidi Sacrum Drama inge-  
niosè, & concinnè elaboratum; cumquè  
nihil contineat à Fide Catholica, & bonis  
moribus dissonum, immò pietatem, ac  
elegantiam redoleat, dignum censeo ut  
typis vulgetur. Datum Romæ in Colle-  
gio D. Thomæ apud SS. Vincentium, &  
Anastasium in Trivio die prima Februarii  
1709.

*Cajetanus Corazza Cler. Reg. Minorum  
Sacrae Theologiae Lector.*



*Imprimatur,*

Fr. Jo: Baptista Carus Magister, & Reve-  
rendiss. P. Paulini Bernardinii Sac. Apo-  
stol. Palat. Magistri Socius Ord. Præd.

# ACTORES

## IN PROLOGO.

ESAU.  
JACOB.

## IN IPSO DRAMATE.

B. STANISLAUS KOSTKA.

Paulus Stanislai Frater natu Major.

Nicander Conscientiæ Moderator.

Phyletes Morum Magister.

Gormandus Lutheri Affecla.

Boemundus )  
Cratillus ) Gormandi Filii.

Pyrastes Chacodæmon Juvenis formosi  
specie.



STA.

124  
STANISLAUS.  
D R A M A.

PROLOGUS.

*Esau, Jacob.*

*Es.* **E** Sau ferarum domitor, in fratrem fera;  
Pretiosus emptor ille famulatus mei,  
A patre natus degener; ab avo nepos;  
Et, quo superbit noster in pœnis dolor,  
Tonantis odio dignus; invisum diem  
Libare rursus cogor, & Cœlum pati,  
Quo fruitur hostis frater. Ætheraæ domus  
Inimica lucis ora percussit nitor.  
Juvat relabi noctis in cæcum chaos.  
Tenebrosa diis antra me minùs premunt,  
Quàm regna fratris. Crucior infelix tuâ  
Jacobe gravius sorte, quàm flammis meis.  
Redibo in umbras umbra: Tenarii lacus  
Repetam paludes; Tenarum at mecum gero.  
Ubique nostrum pœna comitatur scelus:  
Ubique culpa est carnifex, vindex Deus.  
Cruciatur Esau. Nulla supplicio vacante  
Momenta. Tristi corda pœnarum gero  
Foecunda sobole. Pullulo in clades meas,  
Pereoque semper umbra, quæ perii semel.  
Neque hic malorû cumulus: In Cœlum stygem  
Transferre cogor. Fratris æternum decus  
Me torquet, & me laniat. Est Jacob mihi  
Cerberus, Erynnis, Hydra, Gorgoneum caput.  
Ille mihi puero prælium indixit puer.  
Palæstra matris uterus ambobus fuit:  
Utinam fuisset tumulus. Ego primas tuli.  
Extorsit ille jura primatus dolo,



Fratremque iussit : dona præripuit Patris ;  
 Præripuit insuper astra , præripuit Deum :  
 Sed fugiat ipse noxias Esau manus .  
 Non fugiet unquam quisquis insensum sibi ,  
 Nocuumque , rectus ipse , & innocuus potest  
 Sentire fratrem . Clara Chosticarum domus .  
 Ferax Dynastis , grande Sarmatiae decus  
 Viget aucta geminis fratribus , dispar movet  
 Utriusque mentem cura ; quodque alter fugit ,  
 Sectatur alter : studia diversos trahunt :  
 Me major æmulatur ; at fratrem minor :  
 Illum voluptas laxat ; hunc frænat pudor ,  
 Ibo ibo in odia Fratrum , & antiquum novo  
 Cumulabo scelere crimen , inveni viam ,  
 Qua fratris oculos vulnerem : hac pergat furor ;  
 Hac vincat Esau . Fratris in pœnas ruat  
 Major minoris : plectat insontem Reus :  
 Iniquus Æquum vexet , exagitet , premat .  
 Sed heu quid ignes inter obrigui gelu ?  
 Quis me repente civis Astrorum fugat ?  
 Jacobus est : incepta dissolvit mea ,  
 Dehisce tellus ; fratris aspectum horreo .  
*Jac.* Delapsus aula pacis , & Divum domo (a)  
 Fœcundus Israël , atavus infantis Dei ,  
 Regumque felix genitor huc pacem Fero .  
 Patuere fratris odia & audaces doli .  
 Teneo quid intus agitet alieni otii  
 Fastidiosus Animus , & quantam struat  
 Chostichis ruinam . Nota fraus , nota est manus .  
 Liber ire contra : facibus eripiam tuis  
 Devota Cœlo capita Fraternalis furor .  
 Fratres tuebor Sarmatas . Pauli manu  
 Chostichæ minoris eruiam innocuum caput ,  
 Profugumque Juvenem ducam ad optatos lares ,  
 Ubi vota cordis expleat Jesu comes ,

Da-

(a) Patriarcha Jacobus Cœlo delabitur fratris  
 molimina destructurus .

PROLOGUS:

125  
3

Dapibusque sacris frugis æternæ satur  
Proludat astris. Paulus interea truces  
Deponet æstus mentis, & fratrem induet;  
Cœli repente victima, & victor stygis.  
Meam ergo referet fuga Stanislai fugam;  
At Paulus Esau stabile non refert scelus.  
I nunc superbe livor, & fratrem feri.

# ACTUS PRIMUS

## SCENA PRIMA.

*Gormandus Luteri affecta, Boemundus,  
Cratillus Gormandi filii.*

*Gor.* **R**oseum sepultis nunciat terris diem (put  
Cristata volucris fluctibus erythræ ca-  
Promente Phœbo. Membra destituit sopor,  
Repetitque terras dura curarum Cohors.  
Vos usque somnus urget, & nunquam satis  
Excutitis oculis noctem. Inoffensos refert  
Difficile gressus arduam quisquis terit  
Sopore gravidus orbitam, & qui amat moras,  
Divina cum res agitur, hic nunquam est vigil.

*Bo.* Quorsum ista genitor? Fare cur nondum tibi  
Vigiles videmur? Nostra quæ tan em est mora?  
Divina quæ res agitur? In aperto est nihil.

*Gor.* Luterus aptam stravit ad superos viam,  
Et quod reliquit ipse doctrinæ Jubar  
Divina res est. *Crat.* Nemo id in dubium vocet.

*Gor.* At vos vocatis. *Crat.* Absit. Est præceps salus,  
Religio cum vacillat. *Bo.* Æternum perit  
Quicumque veri semitam ignavus premat.

*Gor.* Vos premitis ignavi. Peregrinus puer (a)  
Cum

(a) *Increpat Hereticus filiorum segnitiam in cau-  
sa Luterianæ religionis.*

Cum Fratre adulto Sarmatum Argenti solo  
 Deductus huc, ut nostis, & nuper mihi  
 Alite sinistro junctus hospitio, palam  
 Sacra execratur placita, quæ promptis pio  
 Luterus ore. Jamque religio viget  
 Romana nostris laribus, & serpit lues,  
 Spectante me. Quid agimus? haud semel fuit  
 Levis favilla spreta multorum rogos.

Tam grave, priusquam robore augeat, malum  
 Opprimite, nam, si crescat, heu quantam dabit  
 Segetem dolorum! Jura, Justitiam, Fidem  
 Romanus ille morbus in pestem trahit.  
 Ego jam seniles fronte contraxi notas,  
 Genibusque titubo sarcina annorum gravis.  
 Ingenia Juvenum facile non flectit senex.

Horret Juvenis capitis effœti nives,  
 Vos, o senectæ dulce præsidium meæ, (a)  
 Vos junioris advenæ blandis modis  
 Capere potestis pectus errorum tenax.  
 Suadela dulcis unice hunc petat scopum,  
 Et blandientis oris huc tendat lupos,  
 Ut insulato Præsidi obstrictam novæ  
 Babylonis (utique nomen hoc Romam decet)  
 Malefidus hic Polonus excutiat fidem,  
 Avidoque torum corde luterum bibat, (b)

Bo. Quæ prima Juvenis mente religio stetit  
 Persistet hæc extrema. Vix longus labor  
 Evertit id, quod longa duravit dies.

Cra. Non sic profundi stirpe multiplici occupat  
 Annosa quærens fertile ingenium soli;  
 Non sic adhæret corpori innatus vigor,  
 Animoque corpus, hominis ut mente insident  
 Cum lacte matris hausta majorum sacra,  
 Sint penitus execranda. Nil tenacius

Hu-

(a) Pater hereticus hortatur filios, ut Stanislaum  
 per Blanditias ad luterianam sectam alliciant,  
 (b) Repugnant filii, & rei difficultatem ostendunt.



## P R I M U S :

S

Humana retinent corda , quàm superis fidem  
Semel obligatam . Pace jam dicam tua ,  
Jusso facinori genitor haud sumus pares .

*Gor.* Est scilicet grande facinus , & ingens labor  
Puerile pectus vincere . *Crat.* Haud secus reor .  
Pueros religio Patria Gyganres facit .

*Gor.* Faciat . Gygantum capita prostermit Deus .

*Crat.* Qui nempè pueri sarmatæ votis favet .

*Gor.* Erras *Cratille* . Vota fortunat Deus  
Luterianæ sobolis . Infanda , horrida ,  
Impia Tridenti jura , deliri senes

121 Quæ somniant , odit Aërorum potens (men  
Dominator . *Crat.* Et nos odimus Hic hospes ta-  
Quæ jura dictis astruit , factis probat .

*Gor.* Improba probare facta jus nullum queunt .

*Crat.* Ratione quod sit improbum vocas Pater ?

*Gor.* Sacra Vaticanæ legis , & Romæ fides  
Ratione non probantur . *Crat.* Et tamen vigent .  
Quippè rationi consona , in speciem licet  
Adversa , Sed quam sola , quæ falli potest ,  
Humana ratio firmat , infirma est fides .

Religio Romula jactat Auctorem Deum ,

Ab Homine nostra originē , & vitam trahit . (a)

*Gor.* Allucinaris nate . Nostra nititur

Puris sacratæ paginæ verbis fides ,

Quæ promptis is , qui fallere haud potest Deus .

Nos illa rectè accipimus , ut sonant ; malè

Torquent Latini , & litteram occidunt , metu ,

Ne à littera occidantur . O præposteræ

Stolidum timorem gentis ! O dirum nefas

Censere vitæ à pabulo exitium trahi !

Jam quæ corona triplici inflatus jubet

Romæ Tyrannus dogmata à cunctis coli ,

Recipique ceu Divina Christi adum plagis ,

Ex parte magna parta ab hominibus nihil

Cæ-

(a) Pater hæreticus Catholicam fidem elevare  
conatur , & Luterianam extollere .

Cœleste sapiunt. Noster his meritò fidem  
Luterus abrogavit, hæc nugas vocans. (a)

Vir ille porrò Saxonum æternum decus,  
Mentem superno Flamine imbutus, novum,  
Cœloque fidum peperit in terris gregem,  
Ab Impiorum genere Secernens pios.

His nullus angit corda venturæ timor  
Post fata sortis. Astra jam tenent manu. (b)

Ea namque nullis debita operibus rati,  
Fidei sed uni pervia, expertes metu,  
Vacuique curis aureos ducunt dies.

**Crat.** Utcumque se res habeat, haud moror Pater  
Mihi Imperare, ut vocibus credam tuis.

Luterianas flectere ad partes tamen  
Nec fratris hujus, verba nec poterunt mea  
Chostcham minorem. Pectus in patria geris  
Fide obstinatum. Noster incassum labor  
Fundetur, & pro laude ludibrium feret.

**Bo.** Desiste Frater Patris Imperio decet  
Parere natos, arduum quamvis opus  
Imperet: inausum pectore animoso nihil  
Relinque, Patris prosperè ut votum cadat.

**Crat.** Surdo Canemus fabulam. Immotus puer  
Nos ad Latina potius adducet sacra,  
Quàm nostra prono pectore admittat. Rogo,  
Majus aliundè robur ut quæras, mihi  
Nulla superandi Sarmatæ constat via. (c)

**Gor.** Viam docebo. Corda nil citius domat,  
Sectæque nostræ ad Castra facilius trahit

Quàm

(a) Laudat Luterum. (b) Luteranorum opinio  
de imbecillitate operum, & unius fidei robore, & ef-  
ficacia ad salutem animi acquirendam. (c) Ostendit  
Pater hæreticus quanta sit vis, & potentia volupta-  
tis ad corda hominum utcumque sortium emollicenda,  
& filiis persuadere conatur, ut Stanislaum, utpotè  
juvenem voluptati opportunum, ad illius prosecutio-  
nem impellant.

Quàm vita mollis. Fœda quod morbilues jus,  
 Quod Sæva Martis ira, quod constans labor,  
 Quod concitata plebis indomitus furor,  
 Quod ipse mortis horridæ haud potest rigor  
 Frangere, voluptas frangit. Hæc validos Duces,  
 Proceresque Celfos, quodque mireris magis,  
 Rigida olentes jura Claustrorum Viros  
 Vi præpotente vicit. Hæc illos gravi  
 Pressa Laterani præsulis Tyrannide  
 Solvere coëgit colla, & ejus vindicem,  
 Posita priori mente, Luterum sequi.  
 Hac est petendus Advena. *Crat.* Inventū sagax  
 Amplector alacris. Nempè blanditiis potens (a)  
 Omnia voluptas vincit. Hæc placet via, (gem  
 Per quam trahendum Sarmatam ad nostrū gre-  
 Et amovendum à Romula ostendis fide,  
 Nam captiosis mollis illecebræ plagis  
 Juventus, utpotè lubrica, in primis patet;  
 Fidesque Vaticana non aliter potest,  
 Quàm blanda per solatia in cladem trahi.  
*Gor.* Sapis *Cratille.* *Crat.* Corda sed Pauli prius  
 Tentanda iudico. *Gor.* Stanislaï pete  
 Pectora. Pudoris Paulus excussit Jugum,  
 Jam jamque noster est; voluptatem colit.  
*Crat.* Patris exequamur jussa Boëmundæ ocyus.  
*Bo.* Mos tibi geretur genitor. Imbellis Puer  
 Manus catenis mollibus victas dabit.  
*Gor.* Abite celeres. Facinus haud patitur moras.

## S C E N A S E C U N D A.

*Gormandus, Chacodæmon voluptatis Instinctor  
 sub forma Juvenis.*

*Gor.* **P**ars sceleris est peracta, non totum scelus.  
 Perge anime, & aliquid Fraude vulgari al-  
 Meditare. Castę pertinax mentis pudor, (tius  
 Ani-  
 (a) Duo Juvenes patri assentiuntur, & operi ab  
 eo jussu se accingunt.



Animique vis invicta puerorum dolis  
 Non facile succumbet. Stanislaum nequit  
 Juvenilis astus flectere ingenii, nequit (a)  
 Flectere senilis. Fraudis insuetæ via.

Grassabor audax. Dexteram haud rudem affero  
 In damna, stygii miles emeritus ducis.

Thessalica novi carmina, & quidquid fovet  
 Dirum, execrandum, pestilens, atrox, ferum  
 Jolcos, & Iberia venenorum ferax,

Versare magicum turbinem, infernum chaos  
 Tristiciere cantu, avernales aquas

Spargere, rubetæ Sanguine Draconis Jecur  
 Miscere didici. Manibus haud semel meis

Est de Sepulcris caprificus eruta,  
 Et mortuorum fusus in pateras cinis,

Arbitria ut hominum verterem ad nutus meos.

Hæc hæc malorum virga facinorum artifex,  
 Duri satelles Imperj est testis meæ

Opulenta fraudis: hæc vel invitum traham  
 Ad vota Juvenem. Namque tergeminis humum  
 Si cingat orbibus, illico erumpet malus

Acheronte ab imò turpis illecebræ parens.

Illum pudori Sarmata opponam tuo. (la;) (b)

Age virga quid cunctare? ter in Orbem ambu-  
 Ter quate cita solum, sordidumq; ab inferis (c)

Libidinosa tabis auctorem excita,

Huc pudicæ mentis hostis pertinax,

Tyranne blande cordium, cupidinis

Pravi repertor, sæve dedecorum Faber,

Dolosa Syren, callide pudoris latro,

Huc concitatos Tartaro gressus move,

Sed quæ ora fingis exhibe, non quæ geris.

Deformis es, cruentus, immitis ferox,

Ego

(a) Hæreticus parum fidens puerorum ingeniis  
 convertit se ad opera magicæ artis, qua erat instru-  
 ctus. (b) Virga magica tres format in pavimento  
 circulos. (c) Ter virga percutit humum.

## P R I M U S :

9

Ego te venustum, blandulum, mitem volo.  
 Dedisce naturam, oris inimici exue  
 Fœda simulacra, fraudibus & aptam tuis  
 Mollre frontem. Pingue Juvenili genas  
 Flore, rubicundus niteat in vultu color,  
 Frontem serenet purpura, oculorum vigor  
 Certet pyropis, fluitet in labris lepos;  
 Mentire ephœbum impuberem, quales fovet  
 Vienenſis aula plurimos, gravius nocent  
 Quæ blandienti tela vibrantur manu.

Jam quid moraris? rumpe tenebrosam specum.  
 Gormandus imperat, Erebo notum caput.

*Chac.* Adsum pudoris helluo, & mundi lues, (a)  
 Cujus superbis turba mortalis flagrat  
 Exusta facibus, corda cui Regum litant,  
 Cui spontè fasces Cæsares curvant suos,  
 Quid imperat Gormandus? *Gor.* Ignibus tuis  
 Inimicus ignis tecta populatur mea,  
 Luteri & intra parietes viget pudor,  
 Fidesque Romula. Causa præsentis mali  
 Est mihi Polonus hospes, ex geminis minor  
 De stirpe Regum fratribus. Chostcas vocant.  
 Ille ille tumidus nivibus incédens suis  
 De te triumphat, & superbifico pede  
 Tua tela calcat victor: Ah tantum probrum  
 Depelle. Vinci pudeat imbelli manu,  
 Quem fulminante dextera victum pudet.

*Chac.* Impunè nemo tela contempsit mea.  
 Habet hoc voluptas mollis, ut majus trahat (b)  
 E cæde robur. Vulnere haud ullo perit  
 Hæc Excetra novis usque capitibus ferax.  
 In homine tamdiù voluptati est locus,  
 Vitalis auræ spiritum donec bibit.  
 Meo Gygantes capita subjiciunt Jugo:

Mihi

(a) Prodit ab inferis Chacodemon decori Juvenis formam assimilans, ut erat jussus à mago.

(b) Chacodemon suas vires jactabundus extollit:

Mihi servit orbis . Nostra vitavit semel  
 Polonus iste tela , non semper dolos  
 Fugiet latentes . *Gor* Perge , te comitem meis (a)  
 Adjunge natis . Funde pellacem sonum ,  
 Et blanda ab ore verba versuto fluant .  
 Incumbe n astus undique , atq; omnem explica  
 Turbam leporum . Regna sarmatiæ petit  
 Fraus ista . Nam Luterus hac Serpens via  
 In frustra grande Teutonum imperium scidit .  
*Chac* . Bene ominaris . Regna nil citius secat ,  
 Quàm secta discors . *Gor* Perge jam bellū vocat .

## SCENA TERTIA.

*Paulus , Stanislaus , Phyletes Magister morum .*

*Pa* . **P**Omiser amēnos retulit autumnus dies , (b)  
 Qui nostra tandem colla Palladio iugo  
 Gravata recreent . Corda jam curis levet  
 Libera Juventus . Nulla luminibus fugent  
 Reducem soporem studia . Certatum satis  
 Est erudito in pulvere , & sudoribus  
 Sat pagina maduere . Sollicitam Diu  
 Frontem explicemus , & minervalem procul  
 Curam exigamus . Proterit dies diem ,  
 Tumulatur annus , pristinos bruma imminens  
 Referet labores . Ergo dum tempus favet ;  
 Pomona dum luxuriat , arbores replens (c)  
 Nemus omne sætu ; & languido arentem sinu  
 Permulcet auræ grata temperies humum ,  
 Reficitque lentus humor irrigui Jovis ,  
 Arcente flammæ torridi Erigone canis ;  
 Dum gessientis insolens amœnitas  
 Telluris , & benignus astrorum nitor

*Jucun-*

(a) *Exponit Magus q̄ id fieri velit à Dæmone .*

(b) *Duorum fratrum mores diversi , & invicem  
 oppositi per ipsorum verba exprimuntur .*

(c) *Describitur autumnalis amœnitas ;*



Jucunda nos allecat ad solatia ,  
 Servire genio libeat , & donis frui  
 Etatis , & naturæ . In Augusto foro (a)  
 Levis histrionum turba , permisti senes  
 Juvénibus hodiè ludicri ad populum dabunt  
 Scenam Theatri . Læta ludentum cohors  
 Luctum cothurno amabilem , socco jocum  
 Hilarem ciebit , exprimens rerum vices ,  
 Hominumque mores . Edet argutum melos  
 Chorus , agiliq̃ue tundet Orchestram pede ,  
 Modulante plectri murmure effusos gradus .  
 Par est , ut illuc nostra referatur quies , (b)  
 Quo tota certatim unda popularis fluet .

*Sta.* Falle otium frater alibi , & mentem exue :  
 Tulit in Theatris sæpè naufragium pudor .  
 Ad sacra potius templa vertamus gradus ,  
 Ubi ritè regnat cereas inter faces  
 Parvæ sub orbe cereris inclusus Deus .  
 Is nostra melius otia excipiet locus .

*Pa.* Quid usque perstas durus , intractabilis  
 Opiata votis ludere adversis mea ? (c)  
 Patent in horas templa ; non tamen patent  
 Theatra in horas . Ludicra quotannis semel  
 Spectacula celebrantur augusto in foro ,  
 Quois destinatur lucis hodiernæ jubar .

*Sta.* Lucis hodiernæ destino templis jubar . (d)

*Pa.* Qui n̄ scit uti , dum licet , vitæ bonis ,  
 Is ante mortem moritur . *Sta.* O dictum benè !  
 Placet ante mortem occumbere , ut nunquam oc-  
 Non læva mortis tela properantis pavet (cidam .  
 Quicumque vivus fata prævertit sua ,  
 Peritque Mundo spontè , ne pereat Deo .

*Pa.*

(a) Ludi scenici describuntur . (b) Ad eos ludos  
*Paulus* vult proficisci repugnante *Stanislao* , qui  
 ad templa potius ipsi eundum esse contendit .

(c) Increpatur *Stanislao* à *Paulo* . (d) Perstat  
 in sententia *Stanislao* .

*Pa.* Tu morere, si mors placuit, & vivus tuo  
 Prolude tumulto; Libera, & felix meo  
 Arridet animo vita. Stultitiæ est genus  
 Felicitate nolle, si possis, frui. (a)

*Sta.* Felicitas est Animus à labe integer.

*Pa.* Felicitas est liberæ mentis vigor.

*Sta.* Qui sibi scit imperare liberum puto.

*Pa.* Violenta qui sibi imperat, servit suæ  
 Acerbitati, sitque per pœnas miser.

*Sta.* His vera pœnis constat in terris quies,  
 Emiturque in axe palma, quæ semper viret.  
 Laboriosis usque maneribus patet  
 Superna, quæ vim patitur, astrorum domus,  
 Animosque segnes arcet. *Pa.* Hæc à tristibus  
 Sara cœnobitis dogmata sequantur senes,  
 Florem Juventæ dedecent: curas graves,  
 Omnemque nostræ renuit ætatis tenor  
 Austeritatis tetricæ acrimoniam.

*Sta.* Virtute Juvenes indigent æquè ac senes,  
 Laudemque Senio strenua juvenus parit.  
 Quod quisque didicit Juvenis, id retinet senex.

*Pa.* Curare quid retineat annosum caput,  
 Jamque Libitinæ proximum est vanus labor.  
 Præsentis horæ capere nos donum decet;  
 Et ad theatra tendere hoc juvat die.

*Sta.* Perennis evi querere instanter bona,  
 Et hoc adire templa nos juvat die.  
 Damnum è theatris trahitur, è templis lucrum.

*Pa.* Jam parce verbis; quæque germanus jubet  
 Ætate major, sequere germanus minor.

*Sta.* Si recta frater imperes major, sequar.

*Pa.* Jucunda major impero. *Sta.* Vetat Deus.

*Pa.* Mortalium vis facere tortorem Deum?

*Sta.* Est ille tortor mitis, & nocua secans  
 Chirurgi ad instar ulcera, ægrotis opem  
 Accelerat animis, quosque ab hominibus premi  
 Sinit.

(a) *Varia dissidia inter fratres.*

Sinit, & acerbæ sortis assiduis quati.  
Pulsibus, amicè recreat; atque inopum bibit  
Miserante fletus ore. *Pa.* Rumpamus moras.  
Certum est theatra petere: præcedam prior.  
Istum Phyleta vel reluctantem trahe.

*Phyl.* Animum coërce Paule, quæ frater monet;  
Meliora velut, & consona ambobus probo.  
Plerumque scenica pompa nil sanum parit.  
Blanditur oculis illa; sed mentem gravi  
Percellit ictu; quippè dum vaser mala  
Imitatur Histrio crimina, in crimen trahit  
Spectantis animum. Quisquis alienum exprimit  
Quocumque nomine vitium, errare is docet.

*Pa.* Canis ista surdis auribus. Pergam. Vale (a)

*Phyl.* Ah Paule Paule comprime ferocem impetum  
Fugit sagittæ more. Fugientem sequar, (b)  
Ne fortè sibi relictus in præceps ruat.

SCENA QUARTA.

*Stanislaus, Boëmundus, Cratillus ..*

*Sta.* **A** Biere: nemo est. Solus grumnas meas (c)  
Mecum ipse recolam. Parce si tecum que-  
Jesu meorum meta votorum ultima. (rat  
Cur frater à me pectus alienum gerit?  
Cur me pudori cogit infensos lares  
Colere, ubi turpis habitat errorum lues?  
Sed alacris æquo perfero hæc animo mala,  
Et acriorem cupio pressuram pati,  
Tenaciori vinculo ut jungar tibi  
Ardor pudici pectoris, amantum quies.

*Bo.* Cratille nostris ausibus casus dedit (bus:  
Tempus, locumque idoneum, utendum arti-  
En

(a) *Paulus Spretis Phyletæ consiliis, & relicto*  
*fratre pergit ad ludos.* (b) *Eum sequitur custodiæ*  
*causa Phyletes.* (c) *Stanislai affectus in Deum*  
*Servatorem.*



En solus est. *Sta.* Meas quis abrumpit preces?

Boëmundus, & Cratillus huc tendunt gradus.

*Bo.* Salve ô Lechiadum palmes illustris ducum.

*Grat.* Salve propago Principum, quos viftula  
Veneratur, Iftro & Æmulus Boriftbenes.

*Sta.* Salvete vos quoque Juvenes: quorfum pedes  
Huc ferre placuit? Fronte quid curis gravem

Præfertis animum? Num quid adverfum acci-

*Bo.* Tuæ salutis cura follicitam tenet (di?

Utriusque mentem. *Sta.* Miror id monftri. Meæ

Salutis avidos veftra nil movet falus?

*Bo.* Movet. Sed animus nofter in gremio fedet

Placidæ quietis, nosque naturam ducem (a)

Seftamur; & quos volucris annorum rota

Involuet, inter lucra numeramus dies.

Fruimur Juventæ flore, dum vernant genæ,

Morofa donec fronte canities abeft.

Tû tibi rebellis optimum vitæ finis

Effluere tempus. Nulla te mulcet quies.

Oculis foporem denegas, ori dapem:

Humeros flagello, latera dentaro petis,

Repetisque ferro. Sifte violentum impetum;

Placare naturæ; voluptati lita.

*Sta.* Levishæc voluptas vulnus infligit grave.

Volat illa vento citior; at vulnus fibras (b)

Agit altè in imo pectore, nec unquam fatis

Aboletur: hinc refidua perpetuò manet

Veluti cicatrix labis infaufte nota.

Morari in una fede virgineus pudor

Nequit, & voluptas. Mollia pudorem fugant,

Pelluntque blandimenta, queis animos nocens

Cupido lætat. Illa deficiunt brevi:

Pudoris at vis nulla jacturam poteft

Re-


(a) Duo fratres, Gormandi hæretici filii Stanif-  
laum omnibus modis ad vitæ jucunditatem, & vo-  
luptatis ufuram hortantur. (b) Repugnat Stanif-  
laus, & quam fit noxia voluptas oftendit.

Reparare . Semel hic perditus nunquam redit.

*Crat.* Nihil opus est , ut redeat humanæ ferox  
Pudor iste mentis carnifex : procul truce  
Abige Tyrannum corde . Si quoquam ferox  
Esset voluptas vulnere , haud illi sacer  
Dedisset operam liberi ductor gregis  
Luterus , animum solve . Genialis joci  
Ingredere castra . Sequere Luterum Ducem .

*Sta.* Detestor , horreo , ab dico , ejuro , execror  
Sonum nefandi nominis Christum sequar .  
Laboriosa Christus incessit via .  
Divina rigidum membra sulcavit flagrum : (a)  
Pupugit decoram textilis frontem dolor :  
Sacri cruorem pectoris mucro bibit ,  
Fixitque gemina cuspis extensas manus .

*Bo.* Quàm vera narrat ! *Cr.* Vera . Nil horum negat  
Luterus . *Sta.* Ergo cur voluptatem docet (b)  
Alter Epicurus , & alter in terris Mames ?  
Cur impudicæ Cypridi addictus fovet  
Alimenta luxus fœda & impuras faces ?  
Sibi non cohæret nebulo . Nam pugnant simul  
Triplici fateri cuspide affixam Cruci  
Humanæ amictu carnis indutum Deum ;  
Perque repetita pocula , & opimas dapes  
Et per pudenda mille dedecorum probra  
Turpem salaci pectore erycinam sequi .  
Novus iste doctor , & simul nefarius  
Veterator , & corruptor in causa gravi  
Prævaricatur : Nempè quam summus palam ,  
Et suavit , & sustinuit astrorum sator  
Commendat ore , damnat operibus Crucem .



B

SCE.

(a) Exponuntur à Stanislao Christi Domini cruciatus . (b) Luterus secum ipse pugnavit ostenditur .

## SCENA QUINTA.

*Chacodæmon voluptatis insinuator Boëmundus,  
Cratillus, Stanislaus.*

*Chac.* **F**elix nimium qui præcipitis  
Memor ætatis molles inter (a)

Vitæ illecebras dulcia carpit  
Poma Juventæ, nec sollicito  
Pectore curas turbidus haurit,  
Nec per dubium virtutis iter  
Vagus ambiguis gressibus errat.  
Ævo celeri traditur ævum,  
Lapsa nec iterum sæcla recurrunt.  
Nunquam præsens hora reduxit  
Quidquid fugiens perdidit ætas.  
Ducite juvenes hilares annos,  
Et jucundæ præmia vitæ,  
Dum benè comptis crinibus aurum,  
Dum rosa viridi fronte superbit.  
Pereat quisquis mente severa  
Tenerum vitæ spernit aprillem,

*Bo.* Audin sodalis? Verba non hominem sonant.

*Crat.* Nos quidquid ante diximus ratum facit (b)  
Ephœbus ille Vocis, & vultus notæ  
Superi farentur esse Phœnæum chori.

*Sta.* Erebi stolata pestis in labris natat  
Pueri procacis. Fictus in vultu est lepos. (c)  
Stygium faterer incolam, humanam nisi  
Frontem referret. Quisquis est, fœdum gerit  
Fallaci in ore virus, & gravidum dolis

Eru-

(a) Prodit in scenam Chacodæmon sub specie  
blandiet venusti adolescentis, & suavi cantu, ac  
mollibus verborum illecebris Stanislaum ad volup-  
tatem conantur impellere. (b) Duo fratres cantu dæ-  
monis oblectati existimant esse Angelum è Cælo de-  
lapsum. (c) Detestatur falsum juvenem Stanislaus,  
ejusque voces esse virulentas & suadolas docet.



Eruſtat Acheronta. Fugite latentem lueſm. (a)  
Fugite veneno per litam Circes dapem.

*Chac.* Cur alterno morem in Saliſum  
Non pulſantur cava ſaxa pede ? (b)  
Cur vocalis grata metalli  
Flamina ceſſant ? Cur dulciſonæ  
Murmura vocis non ingeminat  
Fetiua Chelys ? Due age cantus ,  
Due age choreas læta iuuentus .  
Voluant vigiles pectore curas ,  
Quibus ætatis glacialis hyems  
Nive multiplici tempora ſparſit .  
Vos neſtarei dona Lyei  
Plenis iuvenes haurite Scyphis :  
Vos bis tyrio murice tinctas  
Sumite lanas : Vos inviridi  
Prato apricos carpite flores .

*Bo.* O dulce murmur ! Fleſtere Hircanas poteſt (c)  
Vox illa tygres . Non tua parius lapis ,  
Non durat adamas corda , non chalybs triplex ,  
Non te nivolo caucasus rigens iugo ,  
Non aſratumido protulit Syrtis vado ;  
Nec tibi feroces ubera admorunt Leæ ;  
Sed mite pectus tribuit , & mites genas  
Natura facilis . Excute alienam indolem  
Tener adoleſcens : utere ingenio tuo .  
Noli eſſe in omnes mitis , in te ipſum ferox .  
Mos iſte nunquam tigribus , aut lupis fuit ;  
Suumque nulla vertit in corpus fera  
Rictus cruentos : ſævit in diſpar leo ,  
Sævitque pardus : diſce pietatem à feris .

*Sta.* In me triſulcas ante jaculetur faces

B 2

Gra-

(a) Monet duos iuvenes , ut caveant ab inſidiis  
fraudolenti Cantoris . (b) Redit ad cantus illece-  
broſos muſicus avernalis . (c) Boëmundus tartarei  
veteratoris vocibus blandis aſſentiens Stanislai pe-  
ſius emollire conatur .

Gravatus æther, meque tenarius prius (a)

Absumat ignis, quam tibi aspergam notam

O dulcis hospes cordis, & sospes pudor.

Miseranda proles scelera pietatem vocas. (b)

Tangis Carybdim, Brevibus impigis ratem,

Cœlum laceffis, Ditis in fauces ruis.

Miseror utrumque: quidquid irarum paras,

O summe Olympi Rector, in meum cadat (c)

Ignobile caput. Sceleris alieni reum

Me statuo: vindex flamma me solum obruat.

Ignosce geminis fratribus: Vivant mei

Boëmundus, & Cratillus; & pateat vaser,

Qui sub decore juvene celatur Sinon. (d)

*Crat.* Boëmundus quid repente correptus novo

Polonus æstu tacuit? En fulgor genas

Insuetus ambit: Summa vix trepidant labra. (e)

*Bo.* Attonitus hæreo. Flamma juveniles comas

Coronat. Aliquo est Numine afflatus puer.

*Sta.* Detecta fraus est ditis. O scelerum artifex,

O machinator vulnorum, o fraudis faber (f)

Fatere quas hic ore mendaci seris

Pestes malorum, quodque moliris nefas.

*Chac.* Aperire fraudes cogor. O semper meis

Inimica votis Astra? Perniciem tuus (g)

Pudor ut subiret, antra desertui stygis.

*Sta.* Sacer Tonanti mentis est nostræ pudor.

Hinc

(a) Stanislaus mira in pudore defendendo constan-  
tia. (b) Miseratur infelicem duorum Juvenum  
sortem. (c) Pro illis efficaciter orat. (d) Inter oran-  
dum alienatur à sensibus. (e) Obsupefcunt duo fra-  
tres Stanislaum conspicati cœlesti lumine radian-  
tem.

(f) Stanislaus post raptum mentis exurgens co-  
gnitum Deo revelante patefacit Chocodemone, &  
cogit eum detegere fraudes, & sinem sibi propositum.

(g) Coactus Chocodemon aperit suarum fraudum  
machinamenta.

Hinc apage fraudum gurgēs, & purum diem (a)

Oris nefandi spiritu impuro leva.

*Chac.* Fugio. Polonus Tartaro illufit puer.

*Bo.* Horrore quatior: membra torpescunt gelu.

Satne vigilamus frater, an fallax vagam (b)

Imago mentem ludit? *Crat.* Haud spectū fuit

Vagantis illud mentis. Invasit pavor

Mea quoque viscera, vixque sum compos mei.

*Bo.* Vera est religio, quam Stanislaus docet.

*Crat.* Satis hoc probavit hostis inferni fuga.

*Bo.* Generose Juvenis parce, si errorem ducem

Secutus, in tua damna perfidiæ lucem

Efflere volui. *Crat.* Parce si in frandem tuum

Pellere pudorem studui iniquis artibus.

Carmen recanto pristinum. *Sta.* Parcet Deus

Utrique, si Luterus ex animo effluat.

*Bo.* Effluxit animo pestis. *Sta.* O faustum diem!

Quid tū Cratille? Jura Luteri abnuis?

*Crat.* Abnuo; tuamque pronus amplector fidem.

*Sta.* Superest, ut error imbre lacrymarum pio

Obliteretur. Ergo Cælicolum sacros (c)

Lates petamus, ante venerandi pedēs

Flaminis ut illic supplici excepti genu

Rite expietis labis antiquæ notas.

## ACTUS SECUNDUS

### SCENA PRIMA.

*Phyletes, Gormandus.*

*Phy.* **P** Rohquantus animos regere juveniles la-  
Est vel perito lubricæ ætatis duci! (bor

B 3

Nu-

(a) Fugatur à Stanislaō. (b) Duo fratres permoti prodigio patefacti fugatique à Stanislaō Chacodemnis à Lutero de seiscunt, & fidem catholicam amplectuntur. (c) Ducuntur in Templum à Stanislaō ad illic expiandas criminum sordes.



Nuper theatra scenica, & scatens jociis, (a)  
 Me non probante; Paulus ut vidit forum,  
 Excussit animo palladem, & multam libris,  
 Dixit salutem. Nulla distinctum regunt.  
 Consilia Juvenem. Fræna non patitur ferox.

Gor. Ætatis hæc est culpa. Nos decet senes  
 Benè temperatæ providus mentis vigor.  
 Juvenile non est regere naturæ impetum.  
 Nunquam decorum fructibus tollet caput, (b)  
 Nisi ante multa fronde luxuriet nemus;  
 Nec prius in agris flava mitescet ceres,  
 Quàm tenera inani gramine redundant sata.  
 Sortitur omne proprios ævum gradus. (c)  
 Alacritatem in juvene, consilium in sene  
 Require. Nemo nascitur prudens: labor,  
 Ususque naturam expolit: initium rude  
 Pretiosa ducunt quæque. Proludit sibi  
 Per vitia virtus. Corda si Pauli rapit  
 Fervor Juventæ, Crimine haud peccat suo;  
 Nam quæ virentis cursus ætatis vocat,  
 Illuc secundo flumine impellit ratem.

Phy. Cur ergo frater junior viam terit  
 Virtutis? Ævi viridis illi etiam calor (d)  
 Per ossa serpit; cæca non tamen regit  
 Mentem cupido. Vitia non ætas parit,  
 Sed mala voluntas. Juris & recti tenor

Æquæ

(a) Incusat Paulum Phyletes velut indocilem, & effrænum. (b) Excusat Paulum Gormandus, & conatur ostendere, non esse consentaneam ejus ætati morum severitatem, & moderationem affectuum. (c) Disputat de variis ætatum propensionibus, & hilaritatem, morumque licentiam propriam juvenum esse contendit, proinde Pauli juventuti multa indulgeri oportere. (d) Opponit Phyletes Pauli moribus vitiosis Stanislai mores rectos, & ex virtute profectos; docetque vitia non esse tribuenda ætati. Sed voluntati.

Æquè per omnes graditur æratum vices .  
 Puerile nihil animo Stanislai sapit .  
 Tentare nondum pedibus audebat solum , (a)  
 Per templa cum reptabat , & fandi inscius  
 Balbutiebat eloquens Verbum Patris .  
 Robustiore jamque succensus face ,  
 Ceu cultor horti sedulus , jungit rosis  
 Candida ligustri germina , expresso flagris  
 Rigans cruore corporis casti nives ;  
 Et fessa duro membra reclinans thoro  
 Furatur oculis otium ; hinc supplex pias  
 Ad lacrymarum clepsydram fundit preces .  
 Sic ille vernos consecrat Cœlo dies .

*Gor.* Non laudo fructum præcoccem Succus citò (b)  
 Destituit ea , quæ tempore alieno trahunt  
 Maturitatem poma . Qui ætatis suæ  
 Primo senescit flore , juvenescit senex .  
 Nihil etenim natura violentum diù  
 Patitur ; Acerbo potius excusso jugo ,  
 Aut fasce iniqui ponderis licentior  
 Exultat , atque in vitia deterius ruit .

*Phy.* Rem sane acutè discutis ; nostro tamen  
 In juvene potuit sacra naturam Charis  
 Superare . *Gor.* Sed non perdere . Ad suum redit  
 Natura morem ; Seque prostratam erigit .  
 Quidquod supernæ Charites innocuus vapor ,  
 Et aura spirans leniter non opprimit  
 Ingenita cordi semina , nec animum trahit  
 Ad opera , quæ sint aspera , & vitam terant .  
 Illusus , atque incautus hæc temere subit  
 Mala , pertinaci mente dum putat bona ,  
 Sed vera sint quæ loqueris , ut cedam meo  
 De jure , sint divina , sint cœlestia ,

B 4

Hu-

(a) Stanislai virtutes & præclara pietatis opera enarrat (b) Improbatur opera Stanislai Gormandus , quasi ejus adolescentiæ intempestiva & conatur ostendere periculosum esse niti contra naturam .

Humana quæ vix autumo ; à nobis quidem  
 Pueros regimini traditos nostro , decet  
 Tractari , & aspici ut homines , non ut Deos ,  
 Resque revocare ad regulæ Humanæ modum .  
 Tener ergo seria prosequi haud debet puer .  
 Non dicta scitè aut facta , non solertiam  
 Senilem in illa ætate sapientes probant .  
 Equidem disertus doctor eloquii vetus ,  
 Rector juventæ Cæsarum , ac Latine togæ  
 Decus atque lumen Fabius hoc scriptum libris  
 Reliquit axioma liniendum cedro ,  
 Minioque : Puerum nolo , qui sapiat nimis .  
 Ego neque Juvenem laudo , qui referat senem .  
 Proclivitati quisque famuletur suæ ,  
 Et onere iniquo nemo naturam gravet :  
 Quæ nempè , Serius , ocysus prodit faces  
 Nostro latentes corde ; Si teneras adhuc  
 Prodat , periculi cautus hinc parum timet  
 Rerum æstimator ; pabulis auctas novis  
 Si proferat , in incendium , & cladem furit  
 Adultus ignis , vixque reprimatur furor .  
*Phy.* Adducor ut ita sentiam . Longus docer (a)  
 Ætatis ordo , velle naturam suas  
 Explere tandem pectoris cupidines .  
*Ger.* Sapiente digna opinio . Hic tecum diù  
 Morarer ; at me cura natorum vocat .

## S C E N A S E C U N D A .

*Phyletes , Paulus , Stanislaus .*

*Phy.* **D**anda seniori est rebus in dubiis fides .  
 Usus magister optimus vitæ senes (b)  
 Erudit . Ibo jam Stanislaum petam ,

*Ani-*

(a) *Gormandus in suam sententiam Phyletam inducit , eique persuadet , Stanislaus mores ipsius ætati non esse opportunos . (b) Phyletes à Gormando seductus statuit Stanislaum adversari , eumque ad fratris mores perducere .*



Animumque pueri , fratris ad mortem traham ;  
Sed huc uterque graditur . O factum bene !

*Pa.* Audi Stanislae . Quoties vili sago .

Te , seu lacerna sordidum offendam rudi , (a)  
Nostro indecoram generi inurentem notam ;  
Condire quoties cinere tentabis dapes ,  
Humerosque flagris plectere , & ferro latus ,  
Tunc te ( per astra juro ) non fratris loco  
Ducam , sed hostis . Scilicet mores meos  
Tuis reprimi moribus nunquam feram .

*Sta.* In te quod unquam frater admisi nefas ?  
Hostile quid gessi , tibi ut habendus loco (b)  
Sim perduellis ? Dicere haud quaquam potes  
Te scelere vice vel simplici , laesum meo ,  
Nisi fortè scelus est animus in fratrem pius .  
Namque illa , quæ mihi prohibes , obstant nihil  
Tuis profectò commodis , nec te arguit  
Mea vita nulli nocua ; Sed forsam tui  
Pars melior animi pulsatur , & stimulis monet ;  
Occulta cujus monita ne spernas cave .

*Pa.* Tū me superbe corripis ? Peream , nisi (c)  
Tibi obstinatum comprimam plagis caput ,  
Utcunque libito vivere recuses meo .

*Sta.* Dulcia minaris Paaule . Non plagas timet (d)  
Potiora qui supplicia deliciis habet  
Bifidam superni Regis amplexus trabem ,  
Minare capiti potius illecebras meo .  
Tormenta sitio . Verbera accendent sitim .

*Pa.* O pervicacem ! damna , quæ sitis , bibes ,  
Nisi saniora mente consilia occupes .

*Pby.* Procul facessant odia , majori minor

B S

Pa.

(a) *Paulus interdicat Stanislae usum obsoleta vestis, & salutare animo corporis cruciatum.* (b) *Mansueta responsio Stanislae cum salubri admonitione.* (c) *Paulus indignè ferens, se admonitum esse à fratre juniore minatur ei plagas.* (d) *Stanislaus ad verbera, & plagas se paratum ostendit.*

Pareat. Ubique jura primatus valent.

*Sta.* Ubi causa virtutis agitur, nihil valent.

*Phy.* Affixa virtus tempori, haud homini, venit  
Ad grandiores. Aptus est ludis puer, (a)  
Queis ille si severa præponens, velit  
Sapere alieno tempore, haud sapiet suo,  
Cum post, adulti robur acquireret viri.  
Servire discite tempori, & curis grave  
Tandem relaxa pectus. Hostili flagrat  
In se met odio quisquis ætatis bonum  
Pertæsus, avidos corripit mortis gradus.  
In fata ruere parricidii est genus:  
Sed parricida cædis alienæ est Reus; (gis,  
Tu te ipse perimis; quodque deslendum est ma-  
Ludibria mentis ista virtutem vocas,  
Crudelitati nomen obtendens pium.

*Sta.* Tū quoque per amplā ducere interitus viam,  
Vis me Phyleta, & agere transversum paras,  
Quem regere debes, cuique ceu teneri sagax  
Moderator ævi recta suadebas prius? (b)  
Ab ore nunquam tale consilium tuo  
Prodivit. Unde hic mentis illusæ furor?  
Quis te repente in alterum vertit magus?  
O fragile pectus hominis! O vitream filem!  
Tibi mea credo corda, qui nunquam tuos  
Deferis alumnos, Christe Cælicolum decus.

*Pa.* Nil miror, ante jussa si sprevit mea, (c)  
Qui nec magistrū patitur. Haud posui amplius  
Cohibere dextram. *Phy.* Parce verberibus nimis  
Pro-

(a) *Phyletes* cum *Paulo* consentiens conatur a-  
vertere *Stanislaum*, à nimia morum severitate, &  
adducere ad laxiorem vitam.

(b) *Miratur Stanislaus* mutatam esse *Phyletæ*  
mentem illumque quasi à pristino regendi more dege-  
nerem mansuetè reprehendit.

(c) *Paulus* attollit dexteram ut percutiat *Sta-  
nislaum*.

Propterea in iras Paule redeamus domum, (a)  
 Ubi nostra facili vota procedent via.

## S C E N A T E R T I A .

*Gormandus, Cratillus, Boëmundus.*

*Gor.* **O** Fida capita, columen effœti patris  
 Narrate quo res nostra versetur loco. (b)

Vestrum ne clausit rete luctantem feram?

An qualis aper Hercynius effregit plagas

Polonus Hospes? Gaudeam, an doleam pater?

*Crat.* Lætare genitor. Nullus illuxit dies

Felicio nobis. *Bo.* Diem verè aureum (c)

Natis benignus obtulit Tiran tuis.

*Gor.* O me beatum prole tam fausta senem!

An fortè patriam Juvenis excussit fidem, (d)

Aut victa saltem corda deliciis dedit?

*Bo.* Glaciale potius fluctibus tingent caput

Gemini Triones. Ante confundet suos (e)

Cum fratre currus Cynthia, & noctem dies,

Diemque nox involuet, & Cælum ruet,

Suosque circum terra vertetur polos,

Quàm patria forti nutet in puero fides,

Aut solidus ullem contrhat labem pudor.

*Gor.* Ergo quid inani gaudio me pascitis?

Dicite, remoto vocis ambiguae sono,

Quem gloriosus exitum labor tulit?

*Bo.* Tulit profectò gloriosum; ac non fuit

Is gloriosus. *Gor.* Quid ita? Vos forsitan pudet

Vicisse puerum? *Bo.* Victor est nostri puer;

B 6

Vi-

(a) Reprimitur à Phyleta (b) Pater interro-  
 gat filios quomodo se gesserint erga Stanislaum, &  
 quem finem habuerint eorum conatus. (c) Respon-  
 dent filii, suum cum Stanislaus congressum habuisse  
 optimum, & sibi faustissimum exitum. (d) Letatur  
 eo responso pater, satis existimans, vicisse filios.  
 (e) Affirmat Boëmundus, fidem, & pudorem Sta-  
 nislaus vinci non posse.



Vidēque gloriāmur : at fraudis pudet , (a)  
In quam pudicum trahere tentavit caput  
Vesana nostræ frontis impudentia .

*Crat.* Intra execrandæ castra perfidiæ pudet  
Meruisse sœda criminum stipendia .

Benigna sed nos Numinis juvit manus .  
Lethale nam dum premeret errantes chaos  
Fidei Latinae mentibus fulsit jubar ,

Quas innovavit. *Gor.* Vos ne Romanam fidem?

*Bo.* Nos Vaticanæ jura veneramur Patris . (b)

*Crat.* Illumque Christi gerere testamur vices .

*Gor.* Reliquit animus membra : destituor miser  
Vigore , motu , voce : præcluserit dolor . (c)

Senile guttur : hæsit invenis cruor .

Quæ monstra genui , quasve nutriti feras ?

Quod genitor ærumnosus , ille tabilis

Ad lucis auras protuli anguineum genus ?

Ingrata proles hocce rependis patri (d)

Pro luce munus ? Scilicet puero senex ,

Genitorque fidus hospiti infido fui

Sic posthabendus , perfida , immanis , ferox ,

Sacrilega proles , unico effundis die

Famam , parentes , Jura , pietatem , Deum .

Boëmundè cur sic vulneras natus patrem ?

Quò prisca forti fugit ex animo fides ?

Quis te Gygantum stravit ? o probrum , o nefas !

Pudet fateri : victus à puero jaces .

*Bo.* Causam innovatæ mentis excipias rogo .

Cum fratre dum tua nuper imperia exequor ,

Sty-

(a) Fatentur apertè duo fratres , se victos esse à  
Stanislao , & ab eo per duos ad Catholicam fidem .

(b) Assèverant se agnoscere , & venerari Romanum  
Pontificem , seu verum Christi Vicarium .

(c) Percussus eo nuncio Pater Hæreticus , dolet ,  
& indignatur vehementissimè .

(d) Objurgat filios , velut à Patre degeneres , &  
sua fidei desertores .

(a)  
 Stygius repente coluber humani notas  
 Mentitus oris, Sarmatam blando petit  
 Certamine voluptatis, ac telum vibrat,  
 Ad cujus ictum domitor Hecſtoreus, truces  
 Deposuit iras, cecidit Alcidae vigor,  
 Ramosa quamvis capita Larnæi mali,  
 Toruumque profligarit erymanthi suem.  
 Stetit ille contra, qualis immotus Leo,  
 Inter minores colla cum quatit feras.  
 Luctatur Erebo: luce mox auctus nova  
 Juvenem revelat subdolum, & cogit nigros  
 Repetere ditis, fraude patefacta, lacus  
 Hoc me coëgit genitor, ut viſtas darem  
 Manus pudori, Veritati, Numini.

Ger. Te quoque Cratille frivola hæc mētis movent  
 Ludibria? tibi ne fit etiam vilis pater?  
 Vilisque fit Luterus, & vilis Deus?

Crat. Amo parentem, Numen æternum Colo,  
 Devoveo Luterum, ut erebi exortum lacu (b)  
 Borealis oræ peste deterius malum.

Ger. Removete procul hinc aspides ſœdi gradus.  
 Solvite nefandæ sobolis aſpectu patrem. (c)

## S C E N A Q U A R T A.

Gormandus, Stanislaus.

Go. **O** Ccidimus heu! deluſa puerili manu  
 Ars noſtra periit. Vicit imbellis pudor, (d)  
 Gravidam venenis colchicis vicit Patrem,

B 7

Na-

(a) Cauſam reddit Boëmundus ſuæ ad Catholicam  
 fidem converſionis; hanc autem eſſe dicit repulſas à  
 Stanislao fraudes, & inſidias Cachodæmonis juveni-  
 li ſpecie perſonati, eumque detectum, & coactum re-  
 dire ad inferos eum ignominia. (b) Cratilli præ-  
 clara, & plena pietate reſponſio. (c) Contuma-  
 liosè, & atrociter dictis ejicit à ſe filios. (d) Gorman-  
 dus videns, nil ſibi proſuiſſe artes magicas atq; indi-  
 gniſſimè ſerens ſe victum à Stanislao, & ſuos omnes  
 conatus eluſos, in furias agitur.

Natosque patris candidatos artium .  
 Repulit erynnim fraude grassantem nova .  
 Nil restat , omnia movimus , preces , minas ,  
 Metum , dolorem , verbera , illecebras , dolos .  
 Omnia Polonus vicit , & crevit malis ,  
 Fraudemque nostram vertit in laudem suam .  
 Quid anime suggeris ? ira quò mentem vocas ?  
 Olim quietem perdidisti , famam , fidem , (a)  
 Animam , Salutem , Numinis , & hominū metum .  
 Nunc perdo prolem ; quodque cor grauius ferit ,  
 Artem docendi perdo . Quid suades furor ?  
 An est quod ultra perdere infelix queam ?  
 Est vita . Pereat , morte sanetur dolor .  
 Majora cruciant damna , quàm vivum pati  
 Ut me ipse debeam , Renuo terræ gravis ,  
 Odiosus Astris vivere , invisus mihi .  
 Decreta mors est . Mortis haud constat genus .  
 Ferrone vitam finiam , an præceps jugis  
 Ad acuta letho saxa Comminuam caput ?  
 An gattur alta pendulum elidam trabe ?  
*Sta.* Quis ille , digitis fata dum librat , necem  
 Laceffit ultro ? Fronte Gormandum refert : (b)  
 Magnū aliquid agitat . Varius invultu est color .  
 Fert odia , metuit , invidet , dolet , furit ;  
 Gormandus hic est : hominis affatū petam .  
*Gor.* Hic mea dolore pectora exoluet calybs ,  
 Hic obligatum tartaro reddet caput . (c)  
 Scrutare ferrum viscera , cruorem bibe .  
 Aude quid hæres dextra ? quid trepido gradu  
 Resistis ? Aude ; lucis invisæ moras  
 Abrumpe ; Vulnus pectori adverso imprime .  
 Gor-

(a) Doloris atque iracundiæ impotens statuit mor-  
 tem sibi consciscere . (b) Superveniens Stanislaus  
 animadvertit , Gormandum turbulentis animi mo-  
 tibus agitari . (c) Decernit Gormandus pugionem  
 in pectus adigere , & suam dextram hortatur , ut  
 id facinus audeat .



*St.* Gormãde quid agis? Quis gravat mentē furor, &

*Gor.* Abscede pestis: an etiam arbitrium necis

Vis rapere? nil prohibere moriturum potest.

*Sta.* Quæ causa vitam reddit invisam? *Gor.* Dolor.

*Sta.* Causam doloris ede. Cum vulnus latet,

Frustra admovetur cura; cum patet, salus

Festinat, aptè medica si accedat manus.

*Gor.* Tu mihi doloris causa maturas necem. (b)

*Sta.* Me tam nefandi sceleris haud novi reum.

Neque debeo, neque volo, neque possum puer

Nocere cuiquam. *Gor.* Prole tu me orbas mea

Auctore te, Cratillus in fraudem incidit

Cum fratre Boëmundo. Tridentinum nefas

Uerque jam sectatur, & nugis litat,

Quas ponit inter sacra Romulidum genus.

*Sta.* Hæc ergo causa mortis? hoc fraudem vocas?

Non rapta, sed nata soboles gemina est tibi, (c)

Nec illa fraudi cessit; at fraudem stygis

Elusit, execrata perfidiæ luem.

*Go.* Permitte mortem. *Sta.* Pectus opponam meum,

Ut te ruinæ subtraham, hoc ferrum; hanc manū

Tenebo, & hospes hospiti auxilium feram.

*Gor.* Quæ isthæc in hostem lenitas? quid amas pius

Præstigiatores impium? Heu fari pudet; (d)

Tamen fatebor scelera: nam certum est mori.

Si cognita Stanislae tibi forent mala, (e)

Quæ

(a) Reprimitur à Stanislao. (b) Edit Gormandus causam doloris ipsum adigentis ad necem sibi inferendam, & hanc esse ait ipsum Stanislauum eo quod suos filios ad Romanam fidem traduxerit. (c) Ostendit Stanislaus, filiorum ejus conversionem debere illi esse potius causam letitiæ quàm doloris, & mortis. (d) Benignitate, & mansuetudine Stanislai incipit deliniri Gormandus. (e) Fatetur quid contra eum fuerit machinatus, & quo modo ad evertendā ejus religionem, & castimoniam filios prius, deinde Cabodemonem voluptatis insinectorem impulerit.

Quæ infidus hospes in tuum movi caput ;  
 Meum hoc probares forsitan votum necis .  
 Ego , ut pudorem cordis , & patriæ decus  
 Tu religionis perderes , natos prius ,  
 Dein vero gravidum fraude luxuriæ patrem  
 Caliginoso Tartari excitum specu  
 Sub ore blando perpuli in pestem tuam .

Recede juvenis : iri cum hoc saltem luam  
 Nunc morte crimen. *Sta.* Absit hoc , potius luas  
 Fonte lacrymarum crimen. Ah miserum senem ! (a)  
 Quàm malè tenetur hostis implicitus plagis !  
 Agnosce tandem subdolan Acherontis fidem  
 Gormande : quò te proditor adegit vide .

*Gor.* Heu video ; manibus tango perfidiam stygis.

*Sta.* Quid ergo stygias pronus in fauces ruis ?  
 Miserare te præcipitem , iniquum , perditum .  
 Jamque abige ferrum : sequere patorum viam :  
 Dà te Tonanti supplicem , ac tandem tuæ  
 Consule saluti. *Gor.* Magna vis scelerum vetat  
 Sperare veniam. *Sta.* Pessimum est sceleris genus  
 Spem perdere salutis . Scelera quæque obruit  
 Nostri facilitas Regis , hunc placat liquor  
 Expressus oculis . Ingemit quoties reus ,  
 Toties Tonantis fulmina extorquet manu .

*Gor.* Vivam . Tuo me dirigi arbitrio finam (b)

O dulce vitæ sydus , o nostræ domus  
 Tutela felix . Duc age errantem senem  
 Quo limite placet . *Sta.* Limite salutis regam .  
 Succede tectis , meque comitantem præi . (cus !)

*Gor.* Me miserum , Averni quàm propè attigeram la-

## S C E N A Q U I N T A .

*Boëmundus , Cratillus .*

*Bo.* **G** Ratemur Astris frater . En pleno beat  
 Nos pacis ubere prodigus amoris Deus .  
 Sub

(a) Hortatur eum ad penitentiam Stanislaus .

(b) Respicit omnino Gormandus , & Stanislai ar-  
 bitrio se permittit .

Sub architecto scelerum, & errorum duce (a)  
 Lutero, & ipsi dediti imperio patris,  
 Horresco memorans, ferream ætatem diù,  
 Malè feriat duximus, tandem aureum  
 Miseros revisit tempus. O felix dies,  
 Signanda & albo lapide, qua primùm minor  
 Polonus intra hæc limina immisit pedes!

*Crat.* Cumulum recenti gaudio demit recens  
 Timor imminentis cladis Haud satis liquet (b)  
 Quò se parentis vertat insanus furor.  
 Minus timerem quos movet parens metus,  
 Si mihi timerem. Timeo, ne Carum caput  
 Hospitis amici fraude genitoris cadat.

*Bo.* Ne metue. Cari capitis in tuto salus  
 Mox erit. Amicus hospes è nostro efferet, (c)  
 Tellure profugus Norica, hospitio pedem.  
 Salubrioris luce mutabit soli (res?  
 Viennense Cœlum. *Crat.* Repetet an patrios la-

*Bo.* Non; Sed Latino testâ Christiadium Patri  
 Regnata petet *Gra* Expone quis mentē impetus  
 Ad tam remota Regna juvenilem rapit? (d)  
 Alio calentes Sole cur tentat plagas?

*Bo.* Speciosa decora nuper in lucem tulit, (e)  
 Satum superno semine virorum genus,  
 Nobile Secutum Cantabri auspiciū Ducis (f)  
 Jesu

(a) Exprimit Boëmundus singulare Beneficium utri-  
 que fratrum collatum à Deo in iis traducendis opera  
 Stanislai ad Catholicam fidem. (b) Ostendit Cra-  
 tillus se ab irato ipsorum patre metuerè Stanislao  
 periculum, & perniciem. (c) Eximit eum fratri ti-  
 morem Boëmundus narrando, in proximo esse Stanis-  
 lai discessum ex ea regione, & processionem in Ita-  
 liam, & Urbem Romam. (d) Siscitatur Cratillus  
 causam ejus propinqui discessus. (e) Religiosus ordo  
 Societatis Jesu luculenter à Boëmundo describitur.  
 (f) Nomine Centabri Ducis intelligit S. Ignatium  
 de Loyola Societatis Jesu Fundatorem.



Jesu verendum nomen in signis volat  
 Fatalis Erebo gentis, Unanimes movet  
 Consimilis acies cura. Stat mundi arduos  
 Lustrare fines, pondere ut scelerum gravi  
 Soluta tellus Ditis excutiat jugum.  
 Generosa nullis parcit ærumnis cohors,  
 Ut Vaticanæ legis ad normam reum  
 Conformet Orbem. Jurat in Latium caput,  
 Quo sulcata, diræ castra perfidiæ quatit.  
 Fons Roma generis auream pnbem seriat  
 Spem gloriosæ gentis, & Cœlo sacram  
 Pietatis, atque Palladis lacte imbuit,  
 Repletque vastos prole numerosa sinus  
 Utriusque mundi: vixque telluris manet  
 Abdita, remota, torrida, aut rigens plaga,  
 Aperta quò non mille per discrimina  
 Penetrarit alacer impigræ Gentis labor.  
 Huic sua sacrare corda militiæ flagrat (a)  
 Pudicus hospes. Ergo quam primùm solum  
 Viennense linquet, Latia, quæ mordet Tybris  
 Aditurus arua: Scilicet fratris furor  
 Hic esse voti compotem puerum vetat.  
*Era* Felix Quiritum Regio, quæ tantum hospitem.  
 Gremio fovebis. Norica hæc tellus gemat  
 Viduanda juvenū Sole. Quis prohibet pium  
 Nos æmulari facinus, & patrios Lares (b)  
 Mutare Christi sedibus? Mundus perit,  
 Pereuntque Mundi Gaudia. Sequamur bonum,  
 Quod nullas Imber, nulla consumit dies. (c)  
 Ad Astra, ad Astra Frater. En docet viam  
 Polonus: Astra præpete petamus gradu.

Bo.

(a) *Narrat Stanislai Propositum eam Societatem ingrediendi, & ad hunc finem propediem Romam eundi.*

(b) *Hortatur fratrem ad relinquendas mundi vanitates, & Stanislai vestigiis inherendum.*

(c) *Boëmundi modesta responsio.*

*Bo.* Imitaret hoc exemplar, & vestigia  
 Pueri virilis sequeretur; at nondum viget  
 Matura virtus. Ista sed melius domi  
 Discutere libeat. *Crat.* Cæpta fortunet Deus: (a)

# ACTUS TERTIUS

## SCENA PRIMA.

*Stanislaus, Nicander Stanislaus conscientiae  
 Moderator.*

*Sta.* **M**oderator animi fide, cui patent mei (b)  
 Arcana cordis, quique lustrali eluis  
 Murmure potentis Imperi informes notas,  
 Quæ nostro inhaerent pectore, arbitrium necis  
 Vitaque gestans, auribus amicis bibe,  
 Quæ dicere paro, meque consilio rege.

*Nic.* Exprime quidquid mente generosa foves  
 Magnanime juvenis. Pectus assuetum gero (c)  
 Tua venerari vota. Nil unquam leve,  
 Vulgare nihil est ore prolatum tuo.  
 Meditaris usque grandia, & præstas viris,  
 Maturiorque senibus incedis puer.

*Sta.* Me laude nulla dignor, at si quid tamen  
 In me probatur, animus officii memor  
 Pare est, amor ut referat acceptum tuo.  
 Audi quid agito mente. Jam dudum meo  
 Est vilis animo Mundus, & mundi nitor. (d)  
 Innumera namque vicia tellurem premunt.  
 Hinc fastus animi, turgidum quassans caput  
 Fastus minores calcat. Hinc tetram vomit (e)

*Sta.*

(a) Describitur sacrae confessionis auditor, & absolutio sacramentalis. (b) Laudatur à Nicandro Stanislaus. (c) Stanislaus indignum se laudibus putans submitte simul, & officiosè respondet.

(d) Exponit Nicandrus quid animo voluat, & quàm ipsi sordet Mundus, ostendit (e) Enumerat, & describit vicia quibus Orbis terrarum abundat.

Sanjem veneni livor, & rodit suos  
 Jejunos artus. Acuit hic enses furor,  
 Seritque bella, cæde respersus manus.

Quid damna referam, sacra quæ terris fames  
 Invexit auri, & sordida ac semper lucris  
 Inhians cupido? puppis ignoto prius,  
 Et quod latebat melius, insultat salo,  
 Speciosa colli vincula ut gemmas legat.  
 Terræ petuntur viscera, & ferrum nocens,  
 Autumque ferro quæritur Nocentius.

Hoc fonte derivata bellorum Seges  
 Nunquam expiandis cædibus texit solum.  
 In tela ferrum vertitur, Marti facem  
 Dum subdit aurum. Pejus exoritur malum  
 A peste blanda, quam voluptatem vocat  
 Delusa gens. Hæc scæda morborum parens,  
 Decorum Charybdis dira, virtutum rogos,  
 Syrtis pudoris quodlibet inausum nefas.

Audet, nec ulli parcit ætati; Senes,  
 Juvenesque facibus impetit. Nusquam salus,  
 Nisi fugiatur hostis. Heu scelerum pudet.  
 Ruit omnis in deterius ætatum gradus,  
 Moresque castos longa comminuit dies.

Ætas parentum degener ab avis tulit.

Nos nequiores. Sæculo urgemur gravi. (nor  
 Nic. Non temporum hæc est culpa: perpetuus te-  
 Mortalis hic est sobolis, & semper sibi (a)

In scelere tantum constat inconstans genus:

Tamen est vel inter vitia virtuti locus.

Sta. Sed iste lubricus. Integræ mentis decus

Alere tot inter crimina est æquè arduum, (b)

Ac mille laqueos premere inoffenso pede.

Nic. Sic est. Periculis mille multiplici patet (c)

Ob.

(a) Respondet Nicander, posse etiam inter vitia  
 servari virtutem. (b) Subjicit Stanislaus, id esse  
 valde difficile, & mentis integritatem non esse tot pe-  
 riculis obijciendam. (c) Adheret Stanislaus Senten-  
 tiae Nicander, eamque confirmat.



Obsessa virtus scelere : nec tutum reor  
Tentare cæcis plena vorticibus vada ,  
Cineri & doloso premere suppositas faces .  
Pretiosa scilicet animi in tuto Salus  
Est collocanda . Quisquis ancipiti loco  
Hanc Fidit , ipsi facile perniciem creat .

*Sta.* Quod rogo perenni idoneū in primis putas (a)  
Animi salutē , & affatim laudum ferax  
Genus esse vitæ , quemvè præcipuè statum  
Ampla meritum consequi in terris lucra ?

*Nic.* Oppidò beatus ille , qui fluxas opes , (b)  
Ut prisca gens Christiadam , & infaustum bo-  
Fugacis ævi strenuo calcans pede (num  
Castris pudoris militat Cælo Sacer ,  
Metuendus Erebo . Cæca non illum trahit  
Animi cupido , mentis haud inflat tumor ,  
Nec spes , metusque torquet , aut flatus levis  
Popularis auræ tollit ; at regit fides ,  
Et sacra pascit ubere benigno charis ,  
Regiaque tandem ducit in Cælum via !

*Sta.* Hoc agitat animus : Castra me Crucis vocant,  
Quæ Dux locavit Cantaber, nomen trahens (c)  
Ab igne . Congruenter à Jesu tamen  
Sumptum , salutem ritè quod hominum sonat.  
Semper adorando nomine hic heros pio , (d)  
Quem peperit ipse , cæni , nomen dedit ,  
Hujus operam animis fore salutarem sciens .  
Hunc eligo cætum . Sacramentum placet

Di-

(a) Petit à Nicandro Stanislaus quem statum maxime idoneum censeat ad salutem animi in tuto collocandam , & multa merita consequenda . (b) Describitur status felicissimus hominis , qui contemptis terrestribus bonis ad Cœlestia semper aspiret , & Deo viriliter serviat .

(c) Exponit Stanislaus suum desiderium , & propositum ingrediendi Societatem Jesu . (d) Causam aperit cur S. Ignatius ordini religioso à se instituto Societatis Jesu nomen indiderit .

Dicere sub auspice Jesu , & optatæ ingredi  
Sedem quietis . Ergo Romanas iter (cul  
Quamprimum ad arces dirigam , ut patria pro-  
Tellure, Mundo moriar, & vivam Deo ,  
Veneranda subiens jura Gandensis Ducis .

*Nic.* I quò pudicæ flamma te mentis rapit  
Virtute mactæ juvenis. Ad Crucem vòla : (a)  
Non te morabor . Sequere felicem impetum .  
Tuam profectò valida pietatem decent  
Ejus catervæ Castra , quæ à Jesu sacro  
Gaudet vocari nomine . Huic addes novum  
Decus atque robur . Interim à fida manu  
Cape munus hoc amoris . Hunc adhibe viæ  
Comitem, ducemq, Flabra si boreæ fremant (b)  
Erit hic benignus ignis ; at si Æsteus flagret  
Erit aura lenis . *Sta.* Munus hoc semper meo  
Hærebit in corde . Lateri hæc fesso dabit (c)  
Umbram Hospitalem platanus , hoc fructu fa-  
Solabor , ex itinere collectam sitim (mem  
Hoc fonte fallam : Baculus hic dubios reget  
Gressus . Itineris Astra si finem dabunt ,  
Erit hic viator : Astra si finem negant ,  
Erit hic viaticum . Sed huc Paulus venit .  
Secede : Fratri liceat extremum vale  
Dicere. *Nic.* Benigna te regat Christi manus .

## S C E N A S E C U N D A .

*Paulus ; Stanislaus .*

*Pa.* Quid iste solus agit ? An quærit mea  
Temerare rursus gaudia ? O durum caput  
Quas hic remotis arbitris curas coquis ?

*Sta.* Hæc aure quæso verba patienti excipe . (d)

*Pa.* Eloquere . *Sta.* Novi facilè jam pridem tibi  
Me

(a) Confirmatur à Nicandro in eo proposito Sta-  
nislaus , & incitatur ad id alacriter exequendum .  
(b) Donat illi Nicander velut suæ benevolentiae pi-  
gnus simulacrum Christi cruci affixi . (c) Stanislaus  
affectus erga id simulacrum . (d) Stanislaus veniam  
discedendi blandè petit à Fratre .

Me non probari, teque non æquo meum  
 Consortium animo ferre. Jam ergo Noricas  
 Mutare sedes liceat, & alio plagas  
 Petere tepentes sydere. Arbitrium tuum  
 Accedat, oro, frater Optatis meis.

*Pa.* Abscede, propera, corripe hinc procul gradus,  
 Abi vel extra mundum, ubi penitus mea (a)  
 Latere possis lumina: id cupio, id volo,  
 Id posco Numen. Amove hinc pedem ocyus  
 Non dum recedis? *Sta.* Frater æternum vale.

## SCENA TERTIA.

*Paulus, Phyletes.*

*Pa.* **B**ene est; peractum est: abiit, excessit; mea  
 Cumulavit hodiè vota. Cur tamen geras  
 Injussus irrigat imber, & mentem dolor (b)  
 Percellit improvisus? Heu facti pudet,  
 Iramque vis exorta pietatis fugat.  
 Relabor impius hostis in fratrem pium.  
 Nimis impotenti mente primatum gero.  
 Mitem, innocentem reppuli immittis, nocens:  
 Germanitatis jura violavi ferox.  
 Non sic haberem vile mancipii caput;  
 Ut fratris habui. Muto jam factum: fugam  
 Fratris morabor. Maneat, & mecum dies  
 Ducat Serenos. Norico haud unquam solo  
 Abire sine me perferam partem mei.  
 Sed huc Phyletes properat. Aspectus viri,  
 Ni fallor, ardet. Aliquid adversum indicat.  
 Quid huc Phyletes concitos fundis gradus?  
 Satinne Salvæ? *Phyl.* Tuus in exitium ruit  
 Frater, sui que contrahit fati viam.  
 Soli est cruentus hostis, & lictor sibi.  
 Reperi hæc propinquæ cædis indicia, flagrum  
 Madidum recenti sanguine, & zonam undique  
 Acu-

(a) Veniam fuge largitur Paulus, & iratus urget  
 discessum. (b) Varios animi motus in Stanislaum  
 Paulus expertus duritiem erga illum suam damnat.



Aculeata cuspide rigentem . Hoc latus (a)  
 Cingit, oditque balthæo in pœnas suas  
 Acutus; at hoc membra depascit flagro,  
 Floremque vitæ demetit: Nulla impetum  
 Frænare ratio mentis indomitæ potest.

*Pa.* Pietas rebellat: æstus irarum redit; (b)  
 Hostemque rursus, fratre depulso, induo.  
 Cedò necis instrumenta. Sicse indomeam  
 A fratre mentem. Pereat hoc pœnæ genus,  
 Quod ilia populatur: at pœnas luat,  
 Quas irrogare corpori assuevit flagrum.  
 Casta lacerare membra quo solet modo,  
 Laceretur, & in frustra discissum cadat.

*Phy.* Laudo furorem. Perge; fraternas manus  
 A cæde reprime; juvenem inimicum suæ  
 Felicitati prohibe ab interitu: preces,  
 Promissa, lachrymæ, dona proficient nihil.  
 Vim vi repelle. *Pa.* Sed ille minitatur fugam,  
 Quam ne capeſſat vereor. Æternum vale  
 Mihi dixit *Phy.* Heu quid audio? dolorem patris  
 Lēnīre nunquam potero, si fugiat puer. (c)  
 Amoliamur omne consilium fugæ.

*Pa.* Properemus ergo. Periculum est hīc in mora.  
 S C E N A Q U A R T A.

*Stanislaus.*

**S**uperba Regna Norici, angustum solum (d)  
 Nullo latus comitante, fugitivus puer  
 Tandem relinquo, pacis ingredior viam,  
 Quæ me ad Quirini sistet optatos lares.  
 Fugio fugacis temporis munus breve,  
 Incerta mundi Gaudia, & certos dolos,  
 Fœcunda culpæ Secia, Circeas dapes,  
 Pervia Draconi poma, Tantaleam sitim.

Tu

(a) *Arma affligendo corpori à Stanislao adhibita prodit Philetas Fratri* (b) *Redit Paulus ad veteres iras, & illa dolorum instrumenta discerpit.*

(c) *Initium à Stanislao fugæ consilium intercipere statuunt.* (d) *Fugientis affectus.*

Tu mihi viarum dirige ignaros pedes  
Bisgenita proles, mente quæ Patris fluit  
Amore gravida. Tuque tergemini potens  
Regina mundi, cujus in vultu gravis (b)  
Tonantis ira detonat, avita lue  
Afflata nunquam Virgo. Si matrem meam  
Te nuncupavi rite, da facilem viam,  
Duc obsequentes quò vocas Mater gradus.  
Amore quid me patria nequidquam tenes  
Vinctum? recede. Mater in Cœlum vocat:  
Sequor, sequor: valete fraterni lares;  
Tellus paterna vale. Stanislaum manet  
Melior in Orbe patria, & melior parens,  
Meliorque frater. Tuta me sedes manet  
Solidæ quietis Urbe, quam Summus regit  
Claviger Olympi, & Martyrum rigat cruor:  
Ibo, Ibo quæ Septena protendit juga  
Urbs illa Divum lipsanis plusquam Ducum  
Veterum triumphis inclyta. Excipiet sinu  
Ibi me benigno parva Tyronum domus,  
Addetque alumni, lacte quos fovens pio  
Ad opera format grandia, & rigidis probat  
Non rigida rebus. Inde post cursum brevem  
Labentis ævi Regna Cœlicolum petam.  
Sed Heu repente dira quæ species ferit  
Mea lumina? Quis in frustra delicias meas,  
Meosque amores impia scidit manus?  
Agnosco, cara militaris Cinguli  
Segmenta, mea quo latera præcinxit pudor,  
Cœloque consecravit; Agnosco flagrum,  
Quo ratio subigit membra, ne carnis vigor  
Animo rebellet. Quidquid ex illo est super  
Scrutabor ore: Colligam laceras opes.  
Dulces reliquæ, pectoris amantis pia  
Monumenta, torques aurei, satellites

Men-

(a) Opem fugæ, & præsidium à Divino Verbo  
i præcatur. (b) Deiparam quoque conciliare vo-  
luis studet.

Mentis pudicæ , Scelerum acerbi indices  
Mecum ite mecum . Jungere hos comites libet.

## S C E N A Q U I N T A .

*Gormandus , Boëmtudus , Cratillus .*

Gor. **R** Edivina proles ora redivivi Patris (a)  
Suspice , renati dirige incessum senis ,  
Qui malè tot annos perdidit , & recens novam  
Instituo vitam . Vivere incipio miser ,  
Cum vita languet : Ultimos ævi dies  
Numerare primos coger : æratem ordior  
Jam funeri maturus : exacto nihil  
Vixisse prodest tempore : Superior fuit (hi !  
Mea vita scelus . Heu quàm malè excideram mi-

Bo. Memorare cessa genitor exactos dies ,  
Perfidia quos absumpsit . Haud restat brevis  
Tibi vita , si nunc vivere incipias Deo .  
Æternitatem quod parit longum puta .

Crat. Satis est superque cursus annorum brevis ,  
Peritura nunquam gaudia , perennes dies  
Ut assequaris . Crimen elapsum potest  
Stimulus amoris esse . Scit ferrum rude  
Virtus in aurum vertere , & ab ipsa eruit ,  
Labe medicinam Gor. Criminum pœnas adhuc  
Nullas recepi . Timeo , ne vindex manus  
Tonantis , in me fulmine trifulco irruat ;  
Quamquam è ! Tonantis fulmine indignû reor  
Infame caput hoc . Pœna me vilis premat

Bo. Timor iste frustra est . Mitis ex equo est Deus  
Cum punit , & cum parcit . Est potentior  
Quacumque pœna pectoris amantis dolor .  
Peccasse quem pœnituit , excussit scelus .  
Hæc faustus hospes dicere haud rarò solet .

Gor. Ubi est salutis dulcis assertor meæ ?

Bo. Divina juvenem fertile ad Latii solum ,  
Urbemque Sacram Romuli rapit Charis .  
Ibi veteranus castra tyronum colet

Mi-

(a) *Aperit natis genitor susceptam à se sanio-  
rem mentem , Vitamque anteatam execratur .*



Miles pudoris militum , & curis procul  
Ducet Serenos pacis in gremio dies .  
Sed ecce tectis Paulus exportat pedem  
Similis parenti . Quid manu Schædam gerit ?

## S C E N A S E S T A .

*Paulus , Boëmundus , Cratillus , Gormandus .*

*a.* **P**roperate comites; juvenis audacis fugam.  
Inhibete mecum . Si quid hospitii valet  
Nomen verendum , si quam quos urget fides ,  
Mei reprimite fratris effrenos gradus .  
Præcipitis index comperi hoc folium fugæ .  
Hanc ille nostro paginam liquit thoro .

*b.* Egone ut amici facinus oppugnem pium ,  
Et Religionis nuper acceptæ immemor  
Pro singulari munere rependam Scelus ?  
Teutonica potius arua cæruleus Tybris  
Lavet , & profundum Roma Danubium bib't ,  
Quàm mea pudicum peccet in juvenem fides ,  
A quo nefando nuper ereptus jugo  
Luteri , & alma luce perfusus vagos  
Intra Salutis orbitam immisi gradus .

*a.* Tene o Sodalis virulentis faucibus  
Luteridos Hydræ frater eripuit meus ?

*b.* Eripuit , & servavit . *Crat.* Illuxit Sacrum  
Mihi quoque fidei per Stanislaum jubar .  
Ille mea stygio corda subtraxit duci .

*a.* Divine juvenis ! Frater heu frustra innocens  
Proh quantus es , quàm fortis in puero Gygas !

*b.* Quicumque fratris robur invictum tui  
Non penitus obstupescit , in me lumina  
Defigat avidus . Ego venenatis dolis  
Tumidus , & arte Colchica in pueri caput  
Acheronta movi . Vicit Acherontem puer  
Intrepidus ; & me scelere perculsum gravi ,  
In mea ruentem funera , in stygios lacus ,  
Fera provocantem fata restituit mihi ,  
Cæloque peperit . Jamque Luteri horridam  
Detestor , auctus mente meliori , Luem .

*Pa.* Nunc omnis in me vindicis Olympi ruat  
 Frigor . Tonantis ira quid segnis jaces ?  
 Quin vile caput hoc turbine in fello petis ?  
 Preme , percutere . Feri ; Non potest in me tuum  
 Errare fulmen . Fratris hic pestem vides .  
 Egomet pudicum , sobrium , mitem , pium ,  
 Superis amicum , luce perfusum sacra ,  
 Intaminatum labe , prodigiis gravem  
 Immitis , excors , durus , implacabilis  
 Fratrem Tyrannus expuli . Assultus meos ,  
 Meos furores fugit . Heu quæ nunc vagus  
 Deserta lustras loca peregrino pede ?  
 Ubi frater erras ? forsan immanis fera  
 Tuo cruore ludit . O luctus patris !  
 O civium spes irrita ! O matris dolor !  
 O lux abacta patriæ ! o fratris scelus !

*Crat.* Fletus inanes amove , ac potius tuo  
 Gratulare fratri , vota qui cordis tenet .  
 Non ille te , sed gravibus effugit malis  
 Mundum scatentem . Roma terrarum caput  
 Juveni viarum est meta ; nec honorum fame  
 Stimulatus arces ille Romuleas petit ;  
 Sed amoris actus flamine . Ibi sacros colet  
 Jesu penates Cantabri miles Ducis .

*Pa.* Si vota cordis obtines frater , licet  
 Tibi gratulari jure . Tu Cælum rapis ,  
 Terram reliquis mihi ; Sed affectus meos  
 Ipse quoque ad Astra transferam . Tecum juvat  
 Sociare corda . Tendere in Cælum juvat .

*Gor.* Portenta rerum mira ! Perfidiam in fidem ;  
 Odium in amorem Numinis mutat manus .  
 Hospitia subeunt nostra concordie gradu  
 Religio , Pietas , Pax , Fides , Pudor , Salus .  
 Nos ergo tot cœlestibus ovantes bonis  
 Festo colamus prosperum plausu Diem ,

F I N I S .

